

Universitätsbibliothek Paderborn

M. Fabii Quintiliani Institutionum Oratoriarum Libri Duodecim

Summa diligentia ad fidem vetustissimorum codicum recogniti ac restituti

Quintilianus, Marcus Fabius

Lugd. Batav. ; Roterodami, 1665

Cap. VIII. Quae in discendis cauſis oratori observanda sint.

urn:nbn:de:hbz:466:1-12945

ad viatum: & Zeno, Cleanthes, Chrysippus mercedes à discipulis acceptaverint. Neque enim video quæ justior acquirendi ratio, quam ex honestissimo labore, & ab iis de quibus optime meruerint, quique si nihil invicem præstent, indigni fuerint defensione. Quod quidem non justum modo, sed necessarium etiam est, cum hæc ipsa opera, tempusque omne alienis negotiis datum, facultatem aliter acquirendi recidant. ¹ *Sed tum quoque tenendus est modus: ac pluriuum refert, & à quo accipiat, & quantum, & quo usque.* ² *Pacifendi quidem ille piraticus mos, & imponentium periculis pretia, procul abominanda negotiatio, etiam à mediocriter improbis aberit: cum' præsertim bonos homines bonaisque caussas tuenti non sit metuendus ingratus, qui si futurus, malo tamen ille peccet. Nihil ergo acquirere volet orator ultra quam satis erit: ac ne pauper quidem tanquam mercedem accipiet, sed mutua benevolentia uteatur, cum sciat se tanto plus præstitisse: quia nec venire hoc beneficium oportet, nec perire. Denique ut gratus sit, ad eum magis pertinet, qui debet.*

mercedem exigebant. si quid tamen conferatur quo egeat, acceptare debet
orator. *Idem.*

¹ *Sed tunc quoque.] Similis est locus apud jurisconsultos in titulo de proconsulis officio. jubet enim Ulpianus, ut proconsul nec omnia accipiat, nec paßim,*

nec ab omnibus. Idem.

² *Pacifendi quidem.] Vetat ne fiant causationes & dinundinationes causarum, interposita pecuniae pactione, si cuius causam suscepere agendam. nam alioqui gravissimum erat olim opprobrium, habere lingua vanalem. Idem.*

C A P. VIII.

Quæ in descendit caußis oratori observanda sint.

⁸ **P**roxima discenda caußæ ratio, quod est orationis fundatum. Neque enim quisquam tam ingenio tenui reperitur, qui cum omnia quæ sunt in caußa, diligenter cognoverit,

Antea præceptum est à Fabio, & à Cic. traditum lib. 2. de Oratore, ab oratore causam familiariter cognosci debere, ut adjumentis uti possit optimis, *contradictionibus recurrere, dicit autem quum à litigatore accipit ejus explicationem. Turneb.*

Illiūm

gnoverit, ad docendum certe judicem non sufficiat. Sed ejus rei paucissimis cura est. Nam ut taceam de negligentibus, quorum nihil refert ubi ¹ litium cardo vertatur, dum sint quæ vel extra caussam ex personis aut communi tractatu locorum occasionem clamandi largiantur: aliquos & ambitio pervertit, qui partim tanquam occupati, semperque aliud habentes quod ante agendum sit, pridie ad se venire litigatorem, aut eodem matutino jubent. nonnunquam etiam inter ipsa subsellia didicisse se gloriantur. partim jactantia ingenii, ut res cito accepisse videantur, tenere se & intelligere prius pene quam audiant mentiti, cum multa & diserte, summisque clamoribus, quæ neque ad judicem, neque ad litigatorem pertineant, decantaverunt, bene sudantes beneque comitati per forum reducuntur. ² Ne illas quidem tulerim delicias eorum qui doceri amicos suos jubent: quanquam minus mali est, si illi saltem recte discant, recteque doceant. Sed quis discet tam bene, quam patronus? Quomodo autem sequester ille & media litium manus, & quidam interpres, impendet æquo animo laborem in alienas actiones, cum dicturus ipse non sit. Pessimæ vero consuetudinis, ³ libellis esse contentum, quos componit aut litigator, qui confugit ad patronum, quia liti ipse non sufficit: aut aliquis ex eo genere advocatorum, qui se non posse agere confitentur, deinde faciunt id quod est in agendo difficillimum. Nam qui judicare quid dicendum, quid dissimulandum, quid declinandum, mutandum, fugiendum etiam sit, potest, cur non sit orator, quando quod difficilius est facit? Hi porro non tantum nocerent, si omnia scriberent uti gesta sunt.

¹ Litium cardo.] Cardinem litium appellat locum illum in quo est tota controversia, & causæ status. sic antea dixit, cardinem causæ ponere. appellare vulgo solemus præcipuum & verum litis punctum. Idem.

² Ne illas quidem.] Alii gravantur à litigatore causam audire: itaque jubent

ut cuidam ex eorum amicis à litigatore causa exponatur, à quo postea causam discant. Idem.

³ Libellis esse contentum.] Libellos appellat Fab. brevia quibus applicatur causa, sivebant autem libelli vel à litigatoribus vel ab advocatis minoribus, ut hodie à procuratoribus nonnunquam. Idem.

sta sunt. Nunc consilium¹ & colores adjiciunt, & aliqua pejora veris, quæ plerique cum acceperunt, immutare nefas habent, & velut themata in scholis posita custodiunt. Deinde deprehenduntur, & caussam quam discere ex suis litigatoribus noluerunt, ex adversariis discunt. Liberum igitur demus ante omnia iis quorum negotium erit, *tempus ac locum*: exhorte murque ultro, ut omnia quamlibet verbose, & unde volent repetito tempore exponam. Non enim tam obest audire supervacua, quam ignorare necessaria. Frequenter autem & *vulnus* & *remedium* in iis orator inveniet, quæ litigatori in neutram partem habere momentum videbantur. Nec tanta sit acturo memoriæ fiducia, ut subscribere audita plegeat. Nec semel audisse sit satis, cogendus eadem iterum ac saepius dicere litigator, non solum quia effugere aliqua prima expositione potuerunt, præsertim hominem (quod saepè evenit) imperitum: sed etiam ut sciamus an eadem dicat. Plurimi enim mentiuntur, & tanquam non doceant caussam, sed agant, non ut cum patrono, sed ut cum judice loquuntur.² Quapropter nunquam satis credendum est, sed agitandus omnibus modis, & turbandus, & evocandus. Nam ut medicis non apparentia modo vitia curanda sunt, sed etiam invenienda quæ latent, saepè ipsis ea qui sanandi sunt occulentibus: ita advocatus plura quam ostenduntur, aspiciat.³ Nam cum satis in audiendo patientiæ impenderit, in aliam rursus ei personam transeundum est, agendusque adversarius, proponendum quicquid omnino excogitari contra potest, quicquid recipit in ejusmodi dis-

¹ Et colores adjiciunt.] Colores prætextus sunt & velamenta rerum turpium, atque etiam causæ, quæ rem falsam efficiunt probabilem. *Idem.*

² Quapropter nunquam.] Idem præcepit lib. 5. cum ageret de testibus. Cæterum quod evocare dixit, significat interrogationibus paulatim elicere litigatorem, ut aliquid loquatur sibi ipsi contrarium. *Idem.*

³ Nam cum satis.] Fab. cap. 1. lib. 7. præcipit, non minus cogitandum pro adversa parte quam pro sua, ea res enim conductit ad constitutionem causæ & solutionem contradictionum. alium hic adhibet usum, ut cognoscatur causæ veritas, quod fiet, si argumentetur patronus contra litigatorem quasi adversarius. *Idem.*

disceptatione natura. Interrogandus quam infestissime, ac preinendus. Nam duin omnia quæriimus, aliquando ad verum, ubi minime expectavimus, pervenimus. In summa, *optimus est in dicendo patronus incredulus.*¹ Promittit enim litigator omnia, testem, populum, paratissimas consignationes, ipsum denique adversarium quædam non negaturum.² Ideoque opus est intueri omne litis instrumentum: quod videre non est satis, perlegendum erit. Nam frequentissime aut non sunt omnino quæ promittebantur, aut minus continent, aut cum alio aliquo nocituro permista sunt, aut nimia sunt, & fidem hoc ipso detractura, quod non habent modum.³ Denique *linum ruptum*, aut *turbata cera*, aut sine agnitione signa frequenter invenies: quæ nisi domi excusferis, in foro inopinata decipient: plusque nocebunt destituta, quam non promissa nocuissent. Multa etiam quæ litigator nihil ad causam pertinere crediderit, patronus eruet modo per omnes quos tradidimus argumentorum locos eat: quos ut circumspectare in agendo, & attentare singulos minime convenit,⁴ propter quas diximus causas: ita in discedendo riunari necessarium est, quæ personæ, quæ tempora, quæ loca instituta, instrumenta cætera: ex quibus non tantum illud quod est *artificiale* probationis genus colligi possit, sed qui metuendi testes, quomodo sint refellendi. Nam plurimum refert, *invidia reus, an odio, an contemptu labore*: quorum fere pars prima superiores, proxima pares, tertia humiliores premit. Si causam perscrutatus, propositis ante

ocu-

¹ Promittit litigator omnia, testem, &c.] Turneb. Adversar. lib. 2. cap. 27.

² Ideoque opus est.] Paulus jurisconsultus id omne instrumentum appellat, quo lis instruitur, vulgo appellare solemus omnia scripta quibus lis instruitur. Turneb.

³ Denique *linum ruptum*.] Consuetudo erat, ut ait Paulus, ut instrumenta triplicato lino trajicerentur, cui signaculum ex cera imponebatur. eo alludit Fabius. Idem. Denique *linum ruptum*, aut turba-

tam ceras, aut sine agnitore signa frequenter invenies, quæ nisi, &c.] Sine agnitore signa vocat, cum nemo ex testibus signum suum agnoscat. Ita legendus ille locus. Salmas. de modo usurar. p. 451.

⁴ Cera.] Alii, Cætera.

⁵ Propter quas diximus causas.] Fabius in fine cap. 10. lib. 5. docet, quum proposita fuerit materia, non scrutanda esse singula argumenta, & velut ostium pulsanda, sed diurna exercitatio veluti in promptu habenda. Turneb.

Kkk 4 Repre-

œculos omnibus quæ prosint noceantve, tertiam deinceps personam induat judicis, fingatque apud se agi caussam, & quod ipsum movisset de eadem re pronuntiaturum, id potentissimum apud quencunque agetur, existimet; & sic eum raro falicit eventus, aut culpa judicis erit.

C A P. IX.

Quæ servanda in agendis causis oratori sint.

QUæ sint in agendo servanda, toto fere opere executi sumus: pauca tamen propria hujus loci, quæ non tam dicendi arte, quam officiis agendi continentur, attingam. Ante omnia, ne, quod plerisque accidit, ab utilitate eum caussæ, præsentis cupido laudis abducat. Nam ut gerentibus bella, non semper exercitus per plana & amena ducendus est, sed adeundi plerunque asperi colles, expugnandæ civitates quamlibet præcisæ impositæ rupibus, aut operum mole difficiles: ita oratio gaudebit quidem occasione latius decurrendi, & æquo congressa campo, totas vires populariter explicabit: at si juris anfractus, aut eruendæ veritatis lattebras adire cogetur, non obequitabit, nec illis vibrantibus concitatisque sententiis velut missilibus utetur: sed operibus, & cuniculis, & insidiis & occultis artibus rem geret. Quæ omnia non dum fiunt, laudantur, sed cum facta sunt: unde etiam cupidis minus opinionis, plus fructus venit. Nam cum illa dicendi vitiosa jactatio inter plausores suos detonuit, resurgit veræ virtutis fortior fama: nec judices à quo sint moti dissimulant & doctis creditur: *nec est orationis vera laus, nisi cum finita est.* ¹ Veteribus quidem etiam dissimulare eloquentiam fuit moris: idque M. Antonius præcipit

Rprehendit lib. 2. eos qui plausibilis locos captabant ad ostentandam eloquentiam: in eosdem hoc loco invenitur, ac totum locum transfigit; similitudine ducta à re militari, Turnebus.

¹ Veteribus quidem.] M. Antonius orator in lib. quem de eloquentia imperfectum reliquit, hoc memorie mandavit. Idem præcipit Ant. lib. 2. de Orat. Fabii tamen tempore non ita dissimulari poterat eloquentia. Idem.

¹ La-